

ხელვაჩაურის მუნიციპალიტეტის ბალანსზე რიცხული ავტომატური
შეკეთებისა და ტექნიკური მომსახურების შესყიდვის
სატენდერო კომისიის სხდომის
ოქმი N1

ქ. ბათუმი

2022 წლის 21 იანვარი

სატენდერო კომისიის სხდომას ესწრებოდნენ:

.კახაბერ ფუტყარაძე - ხელვაჩაურის მუნიციპალიტეტის მერის პირველი მოადგილე, კომისიის თავმჯდომარე;
.მირიან კვირიტიძე - ხელვაჩაურის მუნიციპალიტეტის მერის მოადგილე - კომისიის თავმჯდომარის მოადგილე;
.თეიმურაზ გაწერელია - ხელვაჩაურის მუნიციპალიტეტის მერიის პირველადი სტრუქტურული ერთეულის იურიდიული სამსახურის ხელმძღვანელი, კომისიის წევრი;
.ტარიელ ნაკაშიძე - ხელვაჩაურის მუნიციპალიტეტის მერიის პირველადი სტრუქტურული ერთეულის სფინანსო-საბიუჯეტო სამსახურის ხელმძღვანელი, კომისიის წევრი;

კომისიის აპარატის წევრები:

.მაია ბოლქვაძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;
.გოგიტა გოგიტიძე - ხელვაჩაურის მუნიციპალიტეტის მერიის პირველადი სტრუქტურული ერთეულის ადმინისტრაციული სამსახურის, მეორადი სტრუქტურული ერთეულის შესყიდვების განყოფილების უფროსი სპეციალისტი;

სატენდერო კომისიის სხდომას არ ესწრებოდნენ კომისიის წევრები: ქეთევან დევაძე, შვენიარ გათენაძე და მელანო მამულაძე.

დღის წესრიგი: ხელვაჩაურის მუნიციპალიტეტის ბალანსზე რიცხული ავტომატური შეკეთებისა და ტექნიკური მომსახურების შესყიდვაზე (CPV კოდი 50100000) ტენდერის ჩატარების შესახებ განცხადებისა და სატენდერო დოკუმენტაციის პროექტის განხილვა-დამტკიცება.

მოისმინეს: კომისიის აპარატის წევრის მ. ბოლქვაძის ინფორმაცია იმის შესახებ, რომ ხელვაჩაურის მუნიციპალიტეტის მერიის 2022 წლის სახელმწიფო შესყიდვების გეგმის ფარგლებში ელექტრონულ ტენდერზე (CPV კოდი 50100000) გათვალისწინებულია 50000 ლარი (სახელშეკრულებო ღირებულება), ხოლო ხელვაჩაურის მუნიციპალიტეტის ბალანსზე რიცხული ავტომატური შეკეთებისა და ტექნიკური მომსახურების შესყიდვაზე ელექტრონული ტენდერი უნდა გამოცხადდეს პრეისკურანტით 301685,70 ლარზე. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების შესაბამისად შესყიდვა უნდა განხორციელდეს ელ. ტენდერის საშუალებით (პრეისკურანტით).

კომისიის წევრებმა განიხილეს სისტემაში განსათავსებული განცხადებისა და სატენდერო დოკუმენტაციის პროექტი, რის შედეგადაც ელ. სისტემაში განსათავსებული განცხადება და სატენდერო დოკუმენტაცია გამოყალიბდა შემდეგი სახით:

ტენდერის გამოცხადების თარიღი: 21 იანვარი 2022 წელი.

პრეისკურანტის სავარაუდო ღირებულება: 301685,70 ლარი.

შესყიდვის ობიექტის სახელშეკრულებო ღირებულება 47500 ლარი.

შესყიდვის რაოდენობა ან მოცულობა იხ. სატენდერო დოკუმენტაცია.

შესყიდვის დანაყოფი: 50100000, 50110000.

მიწოდების ვადა: ხელშეკრულების გაფორმებიდან 2022 წლის 20 დეკემბრის ჩათვლით.

შეთავაზების ფასის კლების ბიჯი: 6000 ლარი.

სატენდერო დოკუმენტაციით პრეტენდენტის მიერ სახელმწიფო შესყიდვების ერთიან ელექტრონულ სისტემაში უნდა მოხდეს შემდეგი დოკუმენტების ატვირთვა:

- გასაწევი მომსახურების პრეისკურანტი დანართი N1-ის შესაბამისად;
- ინფორმაცია მატერიალურ-ტექნიკური ბაზის შესახებ, კერძოდ პრეტენდენტს საკუთრებაში ან წინამდებარე ტენდერით განსაზღვრული მომსახურების გაწევის პერიოდში სარგებლობაში უნდა გააჩნდეს ქ. ბათუმის ტერიტორიაზე ტენდერით გათვალისწინებული მომსახურების საჭირო დოკუმენტაციის (დეფექტური, მიღება-ჩაბარების აქტებისა და სხვა.) წარმოებისათვის საჭირო ფართი, მინიმუმ 5 (ხუთი) სარემონტო სექცია (ე.წ. „ბოქსი“) ავტომატით, თვლის ნახარის (რაზვალი) გასასწორებელი აპარატურა, საბურავების დამლა/აწყობის დანადგარი, ბალანსირების დანადგარი, ძრავის ზეთის ამოსაქაჩი ტუმბო, ავტომატურ გადაცემათა კოლოფში ზეთის შესაცვლელი დანადგარი, ფრეონის დასატუმბი აპარატურა, ჰიდრაულიკური წნეხი, სამუხრუჭე დისკების გასაჩარხი დანადგარი, კომპიუტერული დიაგნოსტიკის აპარატურა, ფარების გასასწორებელი სტენდი, მფრქვევანების (ინექტორების) შემოწმებისა და საწმენდი აპარატი, სამუხრუჭე სითხის შესაცვლელი აპარატი, ელექტრო გენერატორი მუდმივი დენის უზრუნველსაყოფად - რაზეც საკუთრების შემთხვევაში წარმოდგენილი უნდა იქნას საკუთრების დამადასტურებელი დოკუმენტების ასლები, სხვა შემთხვევაში შესაბამისი დამადასტურებელი დოკუმენტების ასლები (საიჯარო, თხოვრის ხელშეკრულების ასლები), რომლის მოქმედების ვადა უნდა აღემატებოდეს წინამდებარე ტენდერით განსაზღვრული მომსახურების გაწევის ვადას. ინფორმაცია მატერიალურ-ტექნიკური ბაზის შესახებ მოწოდებული უნდა იქნას შესაბამისი ფოტოსურათების და ა. შ. თანდართვით, სერვის-ცენტრის მისამართის

მითითებით; ხელშეკრულების მოქმედების პერიოდში მიმწოდებლის მიერ მომსახურება უნდა განხორციელდეს სატენდერო წინადადებაში მითითებულ მისამართზე მდებარე ავტოსერვისში, აღნიშნული მოთხოვნის შეუსრულებლობის შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.

ფასწარმოქმნის ადეკვატურობის მოთხოვნა:


ა) იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის საერთაშორისო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს საექსპერტო, აუდიტორული ან/და საშემფასებლო დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. აღნიშნული დასაბუთების წარმოდგენლობა გამოიწვევს ტენდერში მონაწილე პრეტენდენტის დისკვალიფიკაციას (დასკვნასთან ერთად წარმოდგენილ უნდა იქნას დასკვნის გამცემი პირის საქმიანობის კანონმდებლობის ფორმით გაცემული უფლებამოსილების დამადასტურებელი დოკუმენტი).

ბ) ფასწარმოქმნის ადეკვატურობის დამადასტურებელი დოკუმენტით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს, როგორც პრეტენდენტის მიერ დაფიქსირებული წინადადების ფასთან (ფასების ცხრილის ჯამურ ღირებულებასთან), ასევე ფასების ცხრილის ერთეულებთან მიმართებით. წარმოდგენილ დასკვნას თან უნდა ერთვოდეს ფასების ცხრილი, რომლის საფუძველზეც მოხდა დასკვნის შედგენა.

კომისიამ გადაწყვიტა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების შესაბამისად შესყიდვა უნდა განხორციელდეს ელ. ტენდერი აუქციონის გარეშე პრეისკურანტის საშუალებით.
2. ხელვაჩაურის მუნიციპალიტეტის ბალანსზე რიცხული ავტომანქანების შეკეთებისა და ტექნიკური მომსახურების შესყიდვის მიზნით (CPV კოდი 50100000) განსახორციელებელი აუქციონის გარეშე ელექტრონული ტენდერის შესყიდვის სახელშეკრულებო ღირებულებად განისაზღვროს 47500 ლარი, ხოლო პრეისკურანტის საავარუდო ღირებულებად 301685,70 ლარი.
3. დამტკიცდეს ხელვაჩაურის მუნიციპალიტეტის ბალანსზე რიცხული ავტომანქანების შეკეთებისა და ტექნიკური მომსახურების შესყიდვაზე სახელმწიფო შესყიდვის სატენდერო დოკუმენტაცია და სატენდერო განცხადების ტექსტი.
4. დაევალოს სატენდერო კომისიის აპარატს განათავსოს სატენდერო დოკუმენტაცია და განცხადება ტენდერის ჩატარების შესახებ სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:



კ. ფუტყარაძე



მ. კვირიტიძე

კომისიის თავმჯდომარის მოადგილე:

კომისიის წევრები:




თ. გაწერელია



ტ. ნაკაშიძე



მ. ბოლქვაძე



გ. გოგიტიძე

კომისიის აპარატის წევრები: